

De Wädermaker

De Minschen, de sünd bannig klot,
Un wek, de sünd n o ch klöker,
De sünd so klot as wi 'n Bol,
Ne, klöker noch as Böker.

Dor wahnt up Stunns in Dingskirch ein,
De weit Bescheid mit 't Wäder,
Un de vertellt di fort un klein,
Wenn 't slicht ward un wenn bäder.

Denn stimmt 't mal n i ch , un denn mal stimmt 't,
Denn anners ward 't gewöhlich,
De Wädermaker öwer nimmt
De ganze Saak persönlich.

Un hät he sit mal wedder irrt,
Denn seggt he fort un wichtig:
Dat ganze Wäder is verkehrt,
Mi en Vöranslag is richtig!